

NOVEMBER 1976.

JA NEE, DIS GEWIS EN SEKER - VIR ONS OU KLOMPIE HIER SO VER IN DIE WERELD WAS HIERDIE MAAND SEKER DIE BAKSTE MAAND VAN ONS HELE VERBLYF TOT DUSVER. DIS NOU NIE DAT DIE ANDER MAANDE OOK NIE IETS HEEL BESONDERS GEHAD HET OM TE ONTHOU NIE, MAAR WIE SAL VERGEET HOE ONS MANNE HIER OOR DIE SEE GETUUR HET VIR 22 DAE IN DIE RIGTING VAN PRINCE EDWARD EILAND OP SOEK NA IETS WAT MAAR NIE DAAR WAS NIE - NES 'N KLOMP NAMA VROUENS WAT TUUR OOR DIE WOESTYIN OP SOEK NA HOUT EN NIKS VIND NIE. AL DIE VINNIGE, HOPELIKE ONOPSIGTELIKE, BLIKKE WAS OOK NIE VERNIET NIE, DIE 22STE NOVEMBER WAS DIE ROOI KANTIE HIER EN DIE VREUGDE GROOT.

SOMMER VAN VROEG IN DIE MAAND HET ONS BEGIN VOORBEREIDINGS TREF VIR HIERDIE GROOT GEBEURTENIS. DIE HELE MARION EILAND IS SKOON-GEMAAK, VAN DIE GEBOUE TOT DIE STRANDE. DIT ALLES IS GEDOEN NET OM TE VERSEKER DAT ONS AGT-EN-TWINTIG BESOEKERS HULLE BESOEK GAAN GENIET, EN DIT HET HULLE GEWIS.

DIT KLINK ASOF ONS VREESLIK CORWERK IS, MAAR OOK OP SOSIALE GEBIED HET DIT VOORTREFFLIK GEGAAN. GOEIE SPORTSMANNE SOOS ONS IS, HET ONS BESLUIT OM 'N VYFKAMP KOMPITISIE TE HOU WAT UIT TAFEL-TENNIS, GEWIGOPTEL, HOOGSPRING, VEERPYLTJIES EN SNOEKER BESTAAN HET. DIE MANNE VAN DIE RADIOKAMER, DIS NOU MENERE HIPPIE EN JOHN RILEY, HET DIE TAFELTENNIS EN HOOGSPRING ITEMS ONDERSKEIDELIK GEWEN TERWYL MAAT BEN FOURIE SOMMER SO SPEEL-SPEEL MEER AS SY EIE GEWIG BOKANT DIE KOP UITGESTOOT HET. ONS IS SEDERTDIEN ALMAL BAIE VRIENDELIK MET DIE OU. MET DIE RES VAN DIE KOMPITISIE SAL ONS DIE DAE WAT KOM AANGAAN.

TERWYL DUDLEY 'N HEERLIKE FEESMAAL VOORBEREID HET, HET JOHANN SO TUSSEN ALLES DEUR GOU 'N JAAR OUER GEWORD. DIE ETE WAS UIT DIE BOONSTE RAKKE, DIE OU DUDLEY KEN DAREM SY STORIE AGTER DIE STOOF, NET JAMMER DIE PARTYTJIE DAARNA, DIS NOU OMDAT DIE ROOI KANTIE DAARDIE DAG EERS UIT DIE KAAP UIT VERTREK HET, WAS IETWAT 'DROOG' GEWEES, MAAR IS NOGTANS GENIET.

AANGESIEN ONS HIER OOK NOU WEER BEGIN AGTERKOM HOE SON LYK EN VOEL, IS DAAR OOK WEER HEELWAT RONDGETOER OM DIE EILAND. ALAN EN ROY HET SOMMER GOU-GOU AL DIE VOELS OM DIE EILAND GAAN TEL, TERWYL JOHANN EN BEN VIR 'N WEEK OP KILDALKEY GAAN RUS HET. DIS WAS NOU DIE WEEK DAT DIE WEER NIE WOU SAAMSPLEEN NIE. VIR YS SIEN MENS MAAR SO KORT-KORT VERDWOYN HIER VAN DIE BASIS AF OP PAD NA DIE EEN OF ANDER STRAND TOE.

EN TOE BREEK DIE GROOT DAG AAN. VROEG OGGEND VAN DIE 22 STE NOVEMBER WAS ALMAL UIT DIE VERE WAGTENDE. OM 0900 HET ONS DIE R.S.A. BY PRINCE EDWARD SIEN VERBYKOM. EN TOE WAS DIE WAGERY AMPER OP 'N EINDE. AL MENSE WAAR WAS JULLE TOE DIE EERSTE BESOEKERS VAN DIE VLOT AFKLIM EN ONS MERK TWEE ASTERS OP. JOHN STONE HET AMPER VAN DIE HYSKRAAN AFGEVAL. STOMME VERBASING WAS AAN DIE ORDE VAN DIE DAG EN VINNIG IS PLANNE BERAAM. SNAAKS DIE OUENS MET DIE GROOTSTE MONDE VAL TOE DIE VERSTE UIT. IN ELK GEVAL AL ONS BESOEKERS WAS MEER AS WELKOM EN ONS HET HULLE GESELSKAP TERDEE GENIET, NET JAMMER DIE KUIERTJIE WAS SO KORT.

VINNIG IS DAAR AFGELAAI, NET OM BY DIE PRIVAAT PAKKIES EN BRIEWE TE KOM. AL, DIT WAS 'N BELEWENIS GEWEES OM DIE PAKKIES OOP TE MAAK EN DIE HEERLIKE LANG BRIEWE TE LEES. ONS ALMAL STAP NOU NOG MET GLIMLAGTE SOOS HALFMANE HIER ROND. AL KOUENDE EN DRINKENDE WORD DAAR NOU WEER GRAPPIES GEMAAK EN EEN STROOK DEUR GELAG.

ONS SPANNETJIE IS OOK VERGROOT NA SEWENTIE. ONS WELKOM HIER AAN BOORD KEVIN EN HAN, ALBEI LEDE VAN ONS VOORGANGERS, MET HULLE ASSISTENTE DOUG EN KIM. DAN DIE NUWE KATVANGER EN ROBBETELLER, HENNIE. ONS HOOP DIE MATERS SAL, NET SOOS ONS, VAN DIE BEGIN AF LEKKER BLY EN WERK EN HULLE LANG VERBLYF HIER GENIET.

BY AL HIERDIE VREUGDE WAS DAAR OOK 'N TIKKIE HARTSEER. ONS MOES NOODGEDWONGE AFSKEID NEEM VAN DIE LAASTE VAN DIE GROOT WIT JAGTERS, GRANT HET INTUSSENTYD BESLUIT HY WIL NIE MEER EEN WEES NIE, STIGTER EN VOORSITTER VAN DIE HARRY VOTERSKLUB, KAMPIOEN KATVANGER HARTHAN. OU MAAT DANKIE VIR WAT JY VIR DIE SPAN BETEKEN HET, DIE BASIS IS STIL SONDER JOU GERAAS. 'N LEKKER, MOOI EN VOORSPOEDIGE PAD VORENTOE.

ONS NEEM AFSKEID VAN 'N OPWINDENDE MAAND EN MET KERSFEES NET OM DIE DRAAI, WORD ONS TYDJIE OCK NOU KORTER HIER OP DIE EILAND. ONS GROET MET 'N GROOT DANKIE AAN AL DIE LEDE VAN DIE ALGEMENE AFDELING VIR AL DIE MOEITE WAT HULLE GEDOEN HET MET DIE SKIP SE KOMS HIERNATOE. JULLE ALMAL WAS WERKLIK KERSVADERS VIR ONS GEWEES AS ONS SO NA DIE LANG PAKLYS KYK WAT SAAM MET DIE SKIP GEKOM HET. ONS ALMAL SE GROOT DANKIE DAARVOOR.

WEES GEGROET DAN TOT VOLGENDE MAAND.

MARIONIETE.